



JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Health Center of Sarajevo Canton
Sarajevo Canton, Federation of BiH, Bosnia and Herzegovina



Broj: 0103-0403-1095-2/26
Sarajevo, 24.02.2026. godine

Bosna i Hercegovina
Federacija Bosna i Hercegovina

PRIMLJENO: 25-02-2026		
Organizaciona jedinica	Priloga	Broj prijema
01	04	58637-173

25

**MINISTARSTVO ZDRAVSTVA
KANTONA SARAJEVO**
Ul. Reisa Džemaludina Čauševića 1
71000 Sarajevo

PREDMET: Odgovor na zastupničku inicijativu,

Poštovani,

Na 28. redovnoj sjednici Skupštine Kantona Sarajevo, održanoj dana 09.02.2026. godine, zastupnica Sebija Izetbegović je u skladu sa čl. 211. i čl. 214. Poslovnika Skupštine Kantona Sarajevo, postavila sljedeća zastupnička pitanja:

1. Zbog čega i po čijem nalogu je u posljednja tri mjeseca obustavljena isplata naknada za mentorstva u JU Dom zdravlja Kantona Sarajevo?
2. Po čijem nalogu i na osnovu kojeg pravnog akta su postavljene kamere u Domu zdravlja Vogošća, posebno u čekaonicama Centra za mentalno zdravlje?

Vezano za Dopis broj: 01-04-58637-67/25, informišemo Vas:

1. Vezano za upit o isplati naknade za mentore i komentore specijalizanata koji realizuju specijalizantski staž u JU Dom zdravlja Kantona Sarajevo (porodična medicina, pedijatrija, školska medicina, dječija stomatologija i psihijatrija), ista se privremeno ne vrši unazad 3 mjeseca zbog nepristizanja odgovora na upit upućen Federalnom ministarstvu zdravstva, a koji se odnosi na nedoumice u vezi s Rješenjem koje predstavlja jedini pravni akt na osnovu kojeg su vršene isplate.
Naime, Federalnom ministarstvu zdravstva upućen je podnesak radi pojašnjenja navedenog, te kako odgovor još uvijek nije zaprimljen ponovo je upućena urgencija po pitanju istog.
Po zaprimanju uputa Federalnog ministarstva zdravstva pristupit će se retroaktivno realizaciji isplate naknada mentorima i komentorima za sve oblasti specijalizantskog staža koji se realizira u JU Dom zdravlja Kantona Sarajevo, a prema uputama i pravnom tumačenju istog.

2. Vezano za upit o postavljanu kamere u Domu zdravlja Vogošća, Generalni direktor JU Dom zdravlja Kantona Sarajevo donio je Odluku o uspostavljanju video nadzora, a u svrhu zaštite osoba i imovine putem sistema video nadzora. Navedeni sistem je uspostavljen u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj 15/25). U skladu sa čl. 57 navedenog zakona, video nadzor je dozvoljen radi zaštite lica i imovine, pri čemu je kontrolor podataka dužan da donese odluku o uspostavi video nadzora i pravilima obrade podataka, te da na vidnom mjestu istakne obavještenje o vršenju video nadzora sa podacima o kontroloru i kontaktom putem kojeg nosioci podataka mogu ostvariti svoja prava. U objektu OJ Dom zdravlja Vogošća navedene obaveze su u potpunosti ispunjene. Područje snimanja unutrašnjih kamera obuhvata isključivo ulaze i čekaonice.

Zahvaljujemo se na Vašoj motiviranosti i angažmanu za unaprijeđenje zdravstvenih usluga, i ostajemo otvoreni za dalju saradnju i prijedloge u cilju poboljšanja zdravstvene zaštite na području navedene Općine, a na zadovoljstvo korisnika naših zdravstvenih usluga.

S poštovanjem,



DOSTAVITI:

1. Naslovu
2. Skupština Kantona Sarajevo
3. Generalni direktor
4. a/a